


NY FOMBA FAMAKIANA NY

SALAMO



"Dia hoy Izy taminy: 'Izao no teniko izay nolazaiko taminareo, fony mbola tao aminareo Aho, fa tsy maintsy ho tanteraka izay rehetra nanoratana Ahy teo amin'ny lalàn'i Mosesy sy ny mpaminany ary ny Salamo.' Dia nanokatra ny sain'ireo Izy hahalala ny Soratra Masina"

(Lioka 24:44, 45)



Ahoana ny famakiana ny Salamo? Ny bokin'ny Salamo dia tokony hovakiana amin'ny firaiketana ao an-tsaina fa boky miavaka amin'ny lafiny maro izy.

Tsy toy ireo boky hafa ao amin'ny Baiboly, fa samihafa ny mpanoratra azy, tamin'ny fotoana sy toe-javatra samihafa: nanomboka tamin'i Mosesy ka hatramin'ny fampodiana avy tany Babylona.

Mirakitra lohahevitra sy miseho amin'ny endrika isankarazany toy ny fiderana, fitarainana, fitomaniana, tantara...

Ambonin'ny zava-drehetra, tokony hotadidintsiaka fa boky avy amin'ny tsindrimandry izy, izay iresahan'ny Fanahy Masina amintsika mivantana.



 Boky fihirana.


Ny mpanoratra sy ny fanandramany.

Lohahevitra sy endrika.

Ny mpandray anjara fototra: Andriamanitra.

BOKY FIHIRANA

"Tamin'izay andro izay no voalohan'ny nanendren'i Davida an'i Asafa sy ny rahalahiny hidera an'i Jehovah" (1 Tantara 16:7)



Ny sasany tamin'izy ireo dia nampiasaina tamin'ny fotoana manokana:

Amin'ny
fanompoam-
pivavahana Sabotsy
(Sal. 92)

Nandritra ny fivahiniana masina
tamin'ireo fety fanao isan-taona sy
voaloham-bolana (ny "hallel
egyptiana" Sal. 113-118; sy ny
"hallel lehibe" Sal. 136)

Tamin'ny
fanompoam-
pivavahana maraina
tao amin'ny
synagoga ("hallel
isan'andro" Sal145-
150)




Ny fiangonana kristiana koa dia nandray ny bokin'ny Salamo ho fihirana amin'ny fanompoam-pivavahana (Kol. 3:16; Efes. 5:19).

NY MPANORATRA SY NY FANANDRAMANY

"Salamo nataon'i Davida, fony izy nandositra an'i Absaloma zanany" (fampidirana ny Salamo 3)

Ny ankamaroan'ny salamo dia nosoratan'i Davida (2 Sam. 23:1). Nisy mpanoratra hafa koa:



Asafa sy ny zanany (50, 73-83)

Ny zanak'i Kora (42, 44-47, 49, 84-85, 88)

Hemana Ezrahita (88, mpiara-manoratra)

Etana Ezrahita (89)

Solomona (72, 127)

Mosesy (90)

Maro amin'ireo salamo no manambara ny fanandramana nolalovan'ireo mpanoratra azy (mitovitovy amin'ny antsika):

Toe-java-tsarotra

Fisalasalana sy fahoriana

Fanandraman'ny famelan-keloka avy amin'Andriamanitra

Fifaliana

Fanoloran-tena sy fankasitrhana an'Andriamanitra noho ny fahatokiany sy ny fitiavany

Fanantenana an'Andriamanitra

Fahatokiana ny teny fikasan'Andriamanitra

Vavolombelon'ny fanavotana

Fitalahoana famonjena



LOHAHEVITRA SY ENDRIKA

“Ny lanitra mitory ny voninahitr' Andriamanitra; ary ny habakabaka manambara ny asan'ny tānany”
(Salamo 19:1)

Ahitana lohahevitra isan-karazany izay mahafaoka ny fitambaran'ny fanandramana lalovan'ny olombelona sy ny fifandraisany amin'Andriamanitra ny Salamo:

- ➡ Hira fiderana an'Andriamanitra amin'ny maha-Mpamorona, Mpanjaka ary Mpitsara Azy
- ➡ Salamo fisiorana noho ny fitahiana tsy tambo isaina avy amin'Andriamanitra
- ➡ Fitainana izay mitalaho amin'Andriamanitra mba hanafaka antsika amin'ny toe-java-tsarotra
- ➡ Salamon'ny fahendrena izay manome tari-dalana azo ampiharina eo amin'ny fiainana
- ➡ Salamo miresaka ny amin'ny mpanjaka, izay manondro an'i Kristy Ilay Mpanjaka sy Mpanafaka
- ➡ Salamo momba ny tantara izay mampahatsiahy ny tantaran'ny Israely taloha sy ny fahatokian'Andriamanitra



Miendrika tononkalo izy ireo. Ny tononkalo Hebreo dia tsy mitovy amin'ny tononkalo tandrefana. Ny endriny sasany dia:

Parallelisme

Manakambana teny, fehezanteny na eritreritra mitovy,
miverimberina na hevitra mifanohitra

Raha jereko ny lanitao, izay asan'ny rantsantananao, sy ny volana aman-kintana, izay noforoniniao (Sal. 8:3)

Sary

Fampiasana fiteny an'ohatra

Aoka hiteha-tanana ny riaka; aoka hiara-mihoby
amin'ny koa ny tendrombohitra (Sal. 98:8)

Mérisme

Maneho zavatra iray manontolo amin'ny alalan'ny singa
roa mifanohitra

Jehovah ô, Andriamaniry ny famonjena ahy, andro
aman'alina no itarainako eo anatrehanao (Sal. 88:1)


Tsilaolaon-teny

Mampiasa teny mitovitovy feo izy ireo mba hanasongadinana hafatra.
Ao amin'ny Salamo 96:5 dia misy kilalao teny noforonina eo
anelanelan'ny elohim (andriamanitra) sy ny elilim (andriamanitsy izy)

Fa ny andriamaniry ny firenena dia andriamanitsy
izy; fa Jehovah no nanao ny lanitra (Sal. 96:5)

BOKY VAVAKA

"Jehovah ô, henoy ny fivavako, ary atongilano amin'ny fifonako ny sofinao; valio aho araka ny teninao marina sy ny fahamarinanao" (Salamo 143:1)



Romany Fawzy

Nivavaka nivantana tamin'Andriamanitra toy izao ny mpanao salamo: "Henoy ny feon'ny fitarainako, ry Mpanjakako sy Andriamanitro ô; fa Hianao no ivavahako." (Sal. 5:2).

Ao amin'ny Salamo, Andriamanitra sy ny olombelona dia mifandray mivantana. Amin'ny alalan'ny vavaka sy fiderana, ny olombelona – eo ambanin'ny fitarihan'ny Fanahy Masina – dia maneho ny fanantenany, ny tahotra, ny fahatezerany, ny alahelony ary ny fanaintainany. Fihetseham-po izay mihoatra ny sakana noho ny toe-javatra, ny fivavahana, ny fiavian'ireo mpamaky azy. Isika rehetra dia afaka mahatsapa ny fanandramana iainantsika, amin'ny fotoana iray na hafa, ao amin'ireo lohahevitra ao amin'ny salamo.

Hitantsika ao anatin'ireo vavaka ireo ny asa mivantana ataon'ny Fanahin'Andriamanitra. "Davida, zanak'i Jese [...] mpanao fihirana mahafinaritra amin'ny Israely: Ny Fanahin'i Jehovah no mampiteny ahy, ary ny teniny no eo amin'ny lelako." (2 Sam. 23:1-2).

Afaka mahazo fitoniana koa isika amin'ny fanantenana fa mihaino ny vavaka ataontsika Andriamanitra: "Kanefa efa nihaino tokoa Andriamanitra; efa nihaino ny feon'ny fivavako Izy." (Sal. 66:19).

NY MPANDRAY ANJARA FOTOTRA: ANDRIAMANITRA

“Ankehitriny dia fantatro fa Jehovah mamonjy ny voahosony; hamaly azy avy amin’ny lanitry ny fahamasinany Izy amin’ny herin’ny famonjen’ny tànany ankavanana” (Salamo 20:6)



Toy ny eo amin’ny fiainan’ny mpanao salamo, dia tsy maintsy ho ivon’ny fiainantsika Andriamanitra, ary fantatsika fa afaka miantehitra Aminy amin’ny toe-javatra rehetra isika.

Salamo 16:8 Fisaintsainantsika mandrakariva Izy

Salamo 44:8 Mankalaza sy midera Azy mandrakariva isika

Salamo 46:1 Izy no aro sy hery ho antsika

Salamo 47:1 Mihoby Azy am-pifaliana isika

Salamo 57:2 Mitaraina Aminy isika mitady ny fankasitrahany

Salamo 62:8 Mamboraka ny fontsika eo anatrehany isika

Salamo 82:8 Mitaky ny fahamarinany isika

Salamo 121:7 Fantatsika fa miaro antsika amin’ny ratsy Izy

Noho ny Salamo, dia fantatsika fa miaino antsika Andriamanitra, na dia tsy mahita Azy aza isika, sady mamaly ny vavaka ataontsika amin’ny fotoana mety indrindra (Sal. 3:4; 10:1; 20:5-6).

Ao amin’ny tempolini masina Andriamanitra, nefo eo anilako koa Izy (Sal. 11:4; 23:4). Afaka matoky sy tsy manana ahiahy isika eo anatrehany (Sal. 119:58).



“Ny salamon'i Davida dia maneho ireo fanandramana samihafa, manomboka amin'ny fahatsapana lalina ny fahadisoana sy ny fanamelohan-tena ka mankamin'ny finoana ambony indrindra sy ny fifandraisana amin'Andriamanitra izay manandratra ambony indrindra. Ny tantaram-piaiany dia manambara fa henatra sy loza ihany no azo avy amin'ny fahotana, ary ny fitiavan'Andriamanitra sy ny famindram-pony dia mahatratra hatrany amin'ny lalina indrindra. Ny finoana no hanandratra ny fanahy mibebaka hizara ny fananganan'anaka amin'ireo zanak'Andriamanitra. Amin'ireo fanomezan-toky rehetra ao amin'ny teniny dia iray amin'ireo fijoroana ho vavolombelona mahery indrindra momba ny fahatokiana sy ny fahamarinana ary ny famindram-pon'ny fahasoavanana'Andriamanitra izany”